

Nama Kolum: Perbendaharaan Rahsia Raja (20)

Nama Pena: Bonda Tun

Tarikh: 25/07/17

Bismillahirrahmanirrahim

Dalam artikel bulan lepas, kita telah mengemukakan kesilapan orientalis dalam kajian sejarah ketamadunan dan peradaban Nusantara dengan seringkali memberikan tafsiran-tafsiran yang salah pada data-data sejarah, khususnya dari aspek pemerintahan, fahaman serta pengamalan agama dan sosio-budaya masyarakat Melayu tradisional. Antara sebabnya adalah dengan membingkainya pada kerangka pandangan alam Barat pada sesuatu istilah yang sepatutnya difahami dalam kerangka pandangan alam Islam dan Melayu.

Satu contoh adalah dengan mengatakan bahawa sistem feudal sebagai sistem pemerintahan Raja-raja Melayu. Sedangkan hakikatnya, sistem feudal merupakan sistem pemerintahan monarki di Eropah yang tidak sama ciri dan konsepnya dengan sistem Raja-raja Melayu yang lebih menepati sistem pemerintahan berteraskan syariat Islam. Contoh lain adalah konsep 'Daulat Raja' yang banyak dikaitkan dengan sistem Raja Melayu dahulukala. seperti juga salah faham mereka pada konsep seperti 'tulah' dan 'derhaka', yang dianggap seumpama kepercayaan Hinduisme yang menganggap Raja Hindu sebagai jelmaan dewata,

Maka masyarakat kita masakini yang mengambil bulat-bulat tafsiran Barat pada sejarah leluhur kita, terus sahaja menuduh orang tua-tua kita dahulu sebagai golongan yang banyak mempraktikkan unsur-unsur kesyirikan dan khurafat, sehingga gagal mengambil iktibar dan tauladan dari pengalaman dan pedoman kehidupan dan sistem mereka yang hakikatnya lebih murni dan islamik daripada sistem kehidupan masyarakat kita hari ini.

Satu istilah yang telah diperkenalkan oleh orientalis dan para cendikiawan Barat adalah 'Daulat Rakyat', mula dipopularkan semenjak Revolusi Perancis pada akhir abad ke 18 Masihi yang berhasil membebaskan rakyat daripada cengkaman sistem Feudalisme@ Monarki Eropah. 'Daulat Rakyat' dan 'Kehendak Rakyat' dalam konteks yang lazim difahami dalam zaman moden masakini adalah suatu konsep yang sebenarnya asing dalam ajaran Islam dan sangat merbahaya kerana ianya mempunyai jarum SEKULARISME & LIBERALISME yang halus dan licik.

Untuk memahami perkara 'Daulat dan Kehendak Rakyat' ini, selidiklah secara terperinci pada agenda Protokol Cendikiawan Zionis serta sistem Demokrasi Barat yang menggunakan sistem undian majoriti dan natijah kemudaratanya kepada umat manusia masakini. Hakikatnya, konsep undian majoriti dalam ajaran Islam tidak sama dengan konsep Barat dalam sistem demokrasi sekular, malangnya konsep Barat digunakan dengan berleluasa pada kebanyakan negara-negara dunia masakini.

Jika kita mengkaji Protokol Cendikiawan Zionis, konsep 'Kedaulatan dan Kehendak Rakyat' termasuk dalam senarai agenda perjuangan mereka. Dan mereka telah berjaya dengan tipudaya ini sehingga menimpakan musibah yang besar kepada umat manusia disebabkan kepercayaan teguh serta pengamalan 'ideologi'

ini, seolah-olah menjadi suatu agama baru bagi manusia akhir zaman ini. Ideologi ini nampak muluk namun tersirat keracunan yang sangat hebat sekali kerana konsep 'Daulat dan Kehendak Rakyat' adalah sebenarnya agenda agen-agen dajjal di mukabumi ini.

Dalam Islam, wujud suatu istilah yang disebut sebagai HAK, (rujuk surah al-'Asr). Kalimat ini, mempunyai makna yang sangat besar di sisi Allah swt, ditafsir dalam kerangka TAUHID, Fiqh & TASAWUF, sekaligus mempunyai hubungan zahir batin, kepentingan dan implikasinya menjangkau kehidupan di akhirat kelak.

Setiap individu mempunyai haknya, hatta golongan hamba, bayi, wanita, anak yatim, orang miskin, orang bukan Islam, binatang, tumbuh-tumbuhan dan sebagainya mempunyai hak masing-masing yang dalam jaminan Allah swt dan Rasulullah saw.

Dalam hubungkait pemerintah Islam dan rakyat jelata, masing-masing mempunyai hak. Contohnya rakyat perlu setia dan khidmat kepada raja sebagai Khalifah Rasulullah ﷺ & *Zilullah fil ard*, dan raja pula perlu bersikap adil dengan rakyat. Hatta, pencerobohan atau pengkhianatan hak masing-masing (contohnya rakyat yang derhaka atau raja yang zalim) juga telah diselesaikan perkara fiqh @ hukum hakamnya oleh alim ulama ahlussunnah wal jamaah daripada era salafussoleh dahulu lagi dan sentiasa diperhalusi serta disesuaikan bentuknya mengikut peredaran tempat & zaman tanpa dibuang elemen teras, inti atau usulnya.

Malahan Islam juga mengajarkan tentang konsep Akhlak Mulia dan sikap Rahmatan, yang mana Rasulullah ﷺ sendiri merupakan contoh akhlak sempurna dan penebar rahmat di sekalian alam. Bermakna, ajaran Islam tentang GANDINGAN perbuatan menunaikan segala hak-hak makhluk Allah (manusia, binatang, tumbuh-tumbuhan) yang terkandung dalam ILMU Fiqh dengan perkara akhlak mulia & rahmatan lil 'alamin yang terkandung dalam ILMU TASAWUF@IHSAN adalah cukup untuk menjaga serta mensejahterakan kepentingan rakyat dan sesiapa saja makhluk Allah, hatta untuk golongan bukan Islam sekalipun.

Sudah tentu, sebelum menyelesaikan hak makhluk Allah, umat manusia dituntut untuk menunaikan Hak Allah terlebih dahulu, yang mana ilmunya terkandung dalam pengajian TAUHID MAKRFAT. Dan dalam sistem pengajian tradisional Islam di Alam Melayu, perkara ini semua diajar dalam kerangka Fardhu 'Ain & Fardhu Kifayah (rujuk kitab-kitab rujukan agama Alam Melayu), **sebagai sumber peradaban Islam pada kerajaan-kerajaan silam di rantau ini.**

Sesungguhnya Allah swt telahpun menetapkan hak semua hambaNya dan kita hanya perlu mengenali hak-hak ini dan melaksanakan hak-hak tersebut dengan sebaik mungkin, dengan tambahan nilai pada sifat rahmatan dan salaman sebagaimana akhlak Rasulullah ﷺ, sehingga terhasillah tamadun dan peradaban sejahtera dan tiada siapapun yang akan dirugikan

Rumusan

Adalah suatu kesilapan yang besar hatta merugikan bangsa kita jika kita terus menerus mempercayai bulat-bulat sejarah leluhur kita yang dikaji, ditafsir dan dinilai semata-mata dari kayu ukur orientalis dan anak didik mereka, khususnya yang berbeza agama dan adat budayanya, hatta mempunyai agenda buruk yang ingin merenggangkan kita daripada mengambil panduan serta pedoman dari sistem kehidupan, pemerintahan serta pentadbiran masyarakat Melayu tradisional yang

hakikatnya banyak berpandukan ajaran Islam sebenar yang tersirat pada yang tersuratnya pada wajah bangsa kita pada berbagai bentuk dan rupa.

Maka dalam konteks pemerintahan umat Islam, perlu ada pengkajian semula apakah sebenarnya sistem Raja-raja Melayu tradisional, jika dikupas, ditafsir dan dinilai dari sudut pandang *Fiqh al Siyasi*. Rujukan pada kitab seperti *al Ahkam al Sultaniyah* oleh al Mawardi, *Nasihatul Muluk* oleh al Ghazali, *Thamarat al Muhimmah* daripada Raja Ali Haji, *Tajus Salatin* oleh Bukhari al Jauhari dan banyak lagi, akan jelas terpamir bahawa sistem pemerintahan alam Melayu suatu masa dahulu banyak menepati ciri *Fiqh al Siyasi* yang sama sekali tidak sama dengan sistem feudalisme Eropah.

Wallahu 'alam bissawab